

憨山老人夢遊集

憨山老人夢遊集卷二十六

僧行福善日錄

門人通炯編輯

嶺南弟子劉起相重較

妙法蓮華經擊節

原夫世尊唯以此一大事因緣故、出現於世、所謂開示一切衆生、各各本有佛之知見、令其悟入、卽得現前實證、唯此一事、更無餘事、悟此知見、卽登佛地、故名一乘、旣如來出世、唯爲此一大事、故所說之法、唯有一乘、更無餘乘、而一代時教、其所顯者、唯一乘理、行因果而已、由前四十年中、根機未熟、故所開示者、特三乘理、行由顯理未圓、故行匪真行、而果非真果、

皆非究竟佛慧，但爲資發前導，皆爲方便權設。以爲入佛智慧之門耳。然言雖方便，而意實指歸一乘寂滅場地。如標月指，故云：我今知諸衆生有種種欲，深心所着，隨其本性，以種種因緣譬喻言詞，方便六而爲說法。如此皆爲得一佛乘一切種智。故是則凡所言說，皆爲一乘。奈彼劣解之機，如言取執，不得離言之旨。故佛於般若會上多方淘汰，根機漸熟。故前此於楞伽會上，說離心意識自覺聖智境界，以破外道妄想之見。以祛小乘名言之執，直示究竟一乘實相離言之道。直欲衆生現前頓證諸佛自覺聖智之地。

今則已蒙直指人人本有佛之知見即是諸佛自覺聖智則諸聞者易信易入根機已熟故於此法華會上依前智境直示妙行以爲真因將欲依此真因頓契真果故最初建言卽云說無量義經入無量義處三昧然無量義者殊非多多之謂也蓋顯示此一乘自覺聖智境界離心意識限量故此則頓以離言之智直示衆生令其默識而悟入之可謂先以定動者矣然此智境非中道妙智不能入故放眉間白毫相光要顯示衆生日用根塵識界卽諸佛自覺聖智境界故光照萬八千土然生死涅槃本來平等故光中

圓現法界事相。生佛始終。昭然在目。意在顯此實相。
心境乃諸佛所證。衆生所迷。卽今欲令衆生現證。故
直指現前纖毫不昧。至若天雨四花。地搖六震。可謂
通身吐露。徹底掀翻。意要人人不言而悟。當下薦取。
由吾人未離心識。依然眼鈍頭迷。難免分別。不能諦
信。以依識分別。故彌勒騰疑。所以必問文殊者。意顯
此實相妙境。非智莫證。故也。及啟問文殊。迺引燈明
之本始。證今日之瑞相。此則曲唱傍通。已爲指點。分
明說破。可謂後以智拔者矣。奈何吾人知見未忘。故
於不言之道。終難領會。仍須復以言說而開導之。是

則凡涉語言皆方便也故世尊出定不得已而又假言說以窺啟之爾迺明告之曰諸佛智慧甚深無量其智慧門難解難入不獨一徃四十年中所說皆爲智慧之門卽今日入定放光現瑞之事皆入智慧之門也惟此離言之道唯佛與佛乃能究盡殊非心識思量分別可到旣曰無量豈心量可知耶昔時曲說容可不悟今特直示尚爾瞢然信乎此智慧門真難解入也何者以前無量無邊方便譬喻因緣種種言詞皆爲顯示一乘欲令究竟皆得佛智慧故奈何聞者隨語生解畢竟不能悟入今日之事以化緣將畢

涅槃時至勢不容已故如來極盡神力而大發揚之
直欲衆生明見自心了悟實相見本法身各各現證
盡捨如言之執究竟自覺聖智離言之處故始於一
光東照顯法界之真機終於四法成就證普賢之常
德由是觀之則全經二十八品通爲發揮開示悟入
佛之知見四字而所敷演者皆光中境界而已此外
何有利法耶所以然者由衆生本是佛之知見奈何
本有而不知觸目而不見今欲返妄歸真必須先悟
本妙明心故先示理境然後依理起行淨治塵沙無
明之惑方能證入然此真理非智莫照故先依文殊

大智以創始、非行莫證。故後以普賢妙行以成終。故前二十二品皆顯示一乘圓理。意將依此圓理而爲真因。後六品皆顯示一乘妙行。意將依圓理而起妙行。依妙行而成妙德。智行冥合。理智一如。方證妙果。故以普賢四行以收功。所謂無不從此法界流。無不還歸此法界。故華嚴以信解行證爲成佛之基。此經以開示悟入爲成佛之本。由方便言說開示而發信。從信而發解。依解而起行。行成解絕。方能證入。二經始終一貫。意實相符。由是觀之。其顯理之文。皆信解之旨也。

然顯理有二十二品。其序品者乃總示法界之真機。
令其開悟而證入者也。其從方便至法師九品經文。
雖曰三周說法授三根記其實別爲大開一切衆生
平等佛慧也。以此佛慧各各具足無欠無餘。但能知
此無不頓證故曰凡有聞法者無一不成佛。若有以
此法而教人者卽爲大法師意顯此事雖則人人具
足故如高原凡有鑒者無不得水此但正因佛性耳。
是須必籍緣因方能顯了而法師者卽緣因也。但能
心契佛心行契佛行所謂入如來室着如來衣坐如
來座意顯能信解受持此等法者卽是法師也。故曰

隨順是師學得見恒沙佛是則緣緣之中慧命不斷
則可終期實證至若譬喻因緣種種之說者皆欲顯
此常住佛性第一義諦一心之妙皆光中之境吾人
日用之事耳故但有能信此法者卽入法位所以乃
至持一偈一句一念隨喜者我亦與授菩提之記故
皆一一授記成佛唯是但因方便開曉令生信耳非
由解行而證入也故唯授記而已然雖授記而又經
多劫者蓋顯理則頓悟乘悟併消事非頓除因次第
盡所謂頓悟漸修者也以一念頓悟自心與佛無二
卽名見性成佛尚有無始以來歷劫塵沙煩惱無明

未能頓淨故須經歷多劫方能究竟苟能當下一念頓斷無始無明卽名歷多劫矣所謂觀彼久遠猶若今日以此法中一念不生三際頓斷古今一際凡聖齊平故法師已前十品經文總爲大開衆生佛之知見也

然但以言開曉聞者唯信其言而已未能明見自心之妙卽有所悟乃應化之跡耳非見法身境界也所謂猶處門外止宿草菴終滯權跡故須宣示法身實報真境使令頓見自心之妙方爲實證是則現寶塔品乃頓示自心以顯法身之象也所謂開方便門示

真實相欲令衆生知此見此實相真境耳吾人苟破無明頓開心地卽此五蘊身心便見法身真佛故見七寶妙塔湧現其前高五百由旬此真實相妙法乃法身所演以說無所說故於塔中出大音聲以妙契法身故多寶印證宗本無住故塔處虛空聞無所聞故怪未曾有以此佛性常住不滅故塔中有如來全身以體卽無生故凡有說此經處卽皆現證以淨智妙圓故白毫光照十方以此智性人人本具各各不無故分身諸佛一一蒙光照燭以心心寂滅故徹照十方世界盡是寂滅道場以法法皆真故三變八百

萬億多國通爲一佛淨土到此則根境雙亡善惡齊
泯故三途頓空天人不見恒沙性德本自圓成依正
互融自他無礙故十方分身諸佛齊集其中然雖如
是猶在半途以生滅之見未忘取捨之心未泯此所
以願見多寶而未及見也此正古德所謂直饒做到
如寒潭皎月靜夜鍾聲隨扣擊以無虧逐波瀾而不
散猶是生死岸頭事何以故由生死幽關未能逆裂
是須以無依智隨順覺性而開發之此所以釋迦住
虛空中以右手指開七寶塔戶也直使無始無明一
念頓破因地一聲虛空粉碎故如却開鑰開大城門

如此則本有法身一念頓現故多寶如來全身不散
如入禪定以感應道交故爲聽是經而來至此以生
滅情亡真應不二故釋迦多寶共同一座惟此因緣
人人本具各各不無故大衆願見多寶第以生本無
生非情識可到故佛座高遠以住本無住故接大衆
皆在虛空此乃衆生之性德故直示如此令其共知
共見現證不疑斯則諸佛之本懷已露利生之能事
已畢然雖如是廻空華佛事水月道場豈實法耶故
卽便唱言如來不久當入涅槃欲令此法常住終古
同遵意在得人期慧命無窮永永無盡故曰佛欲以

此妙法付囑有在由是觀之則現寶塔一品正乃直示一切衆生日用現前佛之知見也

然此甚深妙法乃諸佛自證境界無上第一秘密之藏所謂諸佛智慧甚深無量其智慧門難解難入者此也故偈文廣讚此經最爲第一若有持者卽得佛道乃是真佛弟子且曰能解其義者則爲人天眼目況實證乎斯則由信發解因開示而了悟此心故此已下從提婆達多至如來壽量五品經文皆發悟自心之象也然其此法已蒙開示人人本具各各不無奈何迷之已久煩惱根深我法纏眠頓難悟人是必

借因緣而悟苦求而得是則提婆達多品乃顯悟無易難亦無愚智至若如來大智尚從多劫勤苦中來此悟之難也若龍女八歲當下頓證又何易易意顯有求者徒勞多劫亡心者悟在剎那只於生死海中一念轉變之力耳唯在法愛情忘分別念息自然了悟便登不退故龍女獻珠之頃卽徃南方無垢世界坐寶蓮華成等正覺也若夫憎愛之念未忘取捨之心未泯斯皆法執未盡我見未消是故不能悟淨圓覺此其鴟子智慧難免懷疑故說持品以顯小乘不堪受持此法難於涉俗利生意須上根利智廣大悲

心難行能行難忍能忍妙契無生不言而喻者方堪
涉俗故如來默視八十萬億那由陀菩薩此正激發
小機昭廓大見耳而此菩薩頓契佛心便師子吼而
願往返十方世界如法修行種種苦行皆當能忍且
曰佛自知我心所謂師資雅合水乳相投是則已得
其人矣雖有堪荷之人若求而不得其方亦不能悟
以煩惱根深最難調伏故說四安樂行以示悟之之
方意令悟此法者先以三業清淨性戒爲尊必須心
契佛心以大悲爲首故要入如來室行合佛行以忍
辱爲先故要着如來衣然佛智如空無所依是必住

依佛住安住法空故欲坐如來座方能頓悟此法故涉俗無難煩惱方能易破故如戰勝有功而得髻珠之賞也是須自信自心自參自悟方堪紹佛家風故從地湧出品乃顯自心開發之象也所謂從門入者不是家珍向自己胸中流出方始蓋天蓋地所以他方來者雖是菩薩猶尚不堪故云不須汝等護持此經我自有六萬恒河沙衆是時大千國土應聲震裂而無數菩薩同時湧出惟此恒沙性德本自圓成只在人人六根門頭放光動地應用不缺故有六萬恒河沙衆身有無量光明以根塵同源縛脫無二故先

盡在此世界之下以中間無實故若交蘆故云虛空中住以現前煩惱皆從法性所流故云先所教化以事事皆真頭頭盡妙故云大衆皆是唱導之首以一行徧融一切行一法徧含一切法故一一皆有多多眷屬凡有所作皆回向法身故各詣虛空奉觀多寶釋迦二佛頭面禮足以此妙契佛心故問訊世尊種種安慰而世尊印許如此方能得聞是經入於佛慧也斯乃法身邊事非心識可到故彌勒與八千恒沙大士皆起疑心而如來至此方大開秘密直示本元常住心地故云如來今欲顯發宣說諸佛智慧諸佛

自在神通之力諸佛師子奮迅之力故說壽量一品
以示法身壽量竭盡本懷以顯妙明常住真心不動
周圓徧十方界隨緣普應妙化無方修短隨緣隱顯
無礙以明如來智慧甚深無量以種種方便示現利
生以明其智慧門難解難入之意也且云我處靈山
常在不滅大火所燒此土安隱以顯實相真境此非
佛之知見又何能知此見此哉此佛之真知見力自
覺聖智境界所以大地三乘以思量心不能測度也
宜矣是則提婆達多持品安樂行從地湧出如來壽
量五品經文皆令衆生悟佛知見也明矣若夫分別

功德以極顯妙悟自心無爲功德之勝益也然持經功德勝刹寶施福者此激勵小乘起慕大之心也多劫修行五波羅密不如聞如來壽量之功德者此策進權教菩薩令其捨權證實也其有一念隨喜功德福報難思者正顯此法以信得入也其有一念毀謗之罪窮劫不盡者所謂不信之罪衆罪之上此勸發聞提外道令發大乘正信也若有修行之功其福又不可量者意在專令凡夫一生取辦不生佛道長遠之怖也若能精持流通此經之法師則得六根清淨之功德者此迺揭示現證之一班以明精持利益又

過於一念隨喜者也。若常不輕可謂了悟平等真如。
深造而自得者故以佛性種子普觀四衆而授記也。
到此揀擇情忘是非執謝可謂妙悟之極如此方能
堪荷大事故說神力品以顯悟心功德難思之象也。
故地湧之衆至此方誓持經如來極盡神力而大發
揚之以顯悟心功德廣大不可思議也吾人苟能到
此徹悟唯心境界則無一事而非佛法故如來於大
衆前現大神力出廣長舌止至梵天也無一色而非
佛身故遍身毛孔放無數色光遍照十方諸佛之身
也至此境界則依正互融自他不二矣所謂無邊刹

海自他不隔於毫端故十方諸佛亦復如是放無量光也十世古今始終不離於當念故諸佛亦現神方滿百千歲也如我按指海印發光亥唾掉臂皆冥真際故警歎彈指之聲徧至十方世界也到此則一切衆生皆證圓覺有情無情齊成佛道故彼十方八部天人皆遙見佛說此妙法華經也苟能了悟自心則轉煩惱之具皆作成佛之真因故所脫嚴身之具皆成寶帳徧覆此間諸佛之上也心境廓徹限量消忘故十方國土通達無礙如一佛土也然吾佛極廣大之神力盡衆生之界門若欲以此顯示妙悟之功德

經無量劫猶不能盡者以顯自覺聖智殊非心識之
境界也以如來一切所有之法一切自在神力一切
秘要之藏一切甚深之事皆於此經宣示顯說此所
以極言一切有爲莊嚴功德總不若受持此經之勝
也然所以廣讚持經功德之勝如此者言雖顯法勝
妙其實發起二乘樂大之心也直欲人人極證心源
方堪荷負大法耳故云是人於佛道決定無有疑故
此以後卽說囑累品以終如來出世說法之本意焉
然世尊從法座起卽以右手摩從地湧出無量諸菩
薩頂安慰而囑之曰我於無量百千萬億阿僧祇劫

修習是難得阿耨多羅三藐三菩提法今以付囑汝等汝等應當一心流布此法廣令增益如是三摩諸菩薩頂屬當受持廣宣此法令一切衆生普得聞知者以一切衆生各各本具佛之智慧如來智慧自然智慧一向迷而不知今如來於此經中盡與開示無所秘吝所謂如來是一切衆生之大施主也且云未來世中若有一人能信如來智慧者卽當演說此經使得聞知者爲令其人卽得佛慧故也苟能如此方便度生可謂報佛深恩矣由如來叮嚀之意也般菩薩奉持之心也切故菩薩各各歡喜益加恭敬乃至

三反俱發聲言如世尊勅當具奉行願不有慮也是
則如來出世本爲開示衆生佛之知見令其悟入而
已今重重開示已至忘言而聞者解悟之心亦已洞
徹此則衆生悟解之心已極在如來之能事已周若
夫起行造修是在各人自肩耳故令十方諸佛各還
本土各隨所安也尚有行證未圓故留多寶佛塔還
可如故也此其二十二品通擬開示悟門以成信解
之資故後六品通是以行成德是所謂先依圓理以
發圓行後依圓行以證圓理解行相資方克究竟之
果以顯入佛知見之極致也

藥王菩薩本事已下至普賢勸發六品經文皆明以行成德以顯入佛知見之象也然發行之初必以藥王發揮者以觀智之藥治煩惱之病智起惑亡應念化成無上知覺得大自在故稱藥王衆生所以不自在者以有我法二執爲礙故也二執有二一分別二俱生今既悟妙心以卽心止觀之力淨破分別我法二障卽登初地故藥王然身破我執之象也喜見然臂破法執之象也欲破二障非淨智不能故所師之佛名日月淨明德了悟本有法身證平等真如故得現一切色身三昧此從初地以至七地之象也以此

真如內熏故服諸香油以頓捨藏識故光照八十萬
億恒河沙世界其中諸佛同時讚歎如此方名是真
精進是名真法供養也然前七轉識既消則根塵俱
泯故其身火然千百二歲此則入正法位不離佛家
故復生於日月淨明德佛國中以常光照明故云彼
佛今故現在此入八地之象也然而至此雖破俱生
我執尚有俱生法執未忘而法身之見未泯故白言
世尊猶故在世以法身不許彼此迭相見故雲門云
直饒透過得到法身邊若法執未忘已見猶存亦是
光不透脫此亦須泯故本佛於夜後分入於涅槃而

喜見菩薩卽捨兩臂此分破俱生法執之象也所謂
分別二障極喜無法執俱生地地除以但破其執不
破其法故兩臂還復如故此皆資法華實相三昧之
力故廣讚此經功德真實妙利凡有修者無不獲益
故如寒得火如裸得衣如病得醫也

若此法華三昧止觀之力深進不已從八地出當九
地十地居法師位說法利生妙應無方所謂清淨妙
法身湛然應一切故說妙音菩薩品以示現一切色
身三昧之實證此示妙行出真入俗之象也問曰說
此品時釋迦牟尼佛放大人相肉髻光明及放眉間

白毫相光徧照東方百八萬億那由陀恒河沙等諸
佛世界過是數已有世界名淨光莊嚴其國有佛號
淨華宿王智者何耶答曰此舉果以驗一乘真因
之象也按楞伽說如來最上一乘禪已乃云若聲聞
緣覺能除一切過習覺法無我是時乃離三昧所醉
於無漏界而得覺悟旣覺悟已復入出世間上上無
漏界滿足衆具當得如來不思議自在法身此法身
卽意生身也又云有三種意生身一三昧樂正受意
生身謂初地乃至八地盡真如際已捨藏識斷俱生
我執安住心海起識浪不生自心寂靜住三昧樂知

自心現境界無性是則前喜見者乃住三昧樂意生身之象也而彼現一切色身三昧者乃了唯心境界之象證三昧樂之意生身也此但能受三昧中樂故不能現一切身二覺法自性性意生身謂從八地觀察覺了如幻等法悉無所有身心得如幻三昧及餘三昧門無量相力自在明如妙華莊嚴迅疾如意猶如幻夢水月鏡像非造所造如造所造一切色種種支分具足莊嚴隨入一切佛刹大衆通達自性法故是名覺法自性性意生身三謂種類俱生無行作意生身所謂覺一切佈法緣自得樂相是名種類俱生

無行作意生身由是觀之而妙音菩薩品乃示第二
覺法自性生意生身之象也然眉間白毫者表中道
妙智乃因心之象也頂上肉髻乃無見頂相無上果
覺之象也以八地菩薩證一心真如進至九地發真
如用得如幻三昧現身說法居法師位故名妙音以
真因心契會果覺故肉髻白毫二光齊放以入出世
間上上無漏界故光徧照東方百八萬億那由陀恒
河沙等諸佛世界以法報齊證故名淨光莊嚴以清
淨真因妙契果體故其國有佛號淨華宿王智因果
宴會則能以一音演無量法得十無盡句故此國菩

菩薩名妙音也此位得如幻三昧及餘三昧門故得妙
幢相三昧等百千萬億恒河沙等諸大三昧也以果
地覺爲本因心故釋迦牟尼佛光照其身也以此位
菩薩能憶念本願隨入一切佛刹大衆化通自性德
故願往娑婆見釋迦佛及諸菩薩也以此地菩薩能
現無量自在神通如妙華莊嚴迅疾如意故不起于
座身不動搖以三昧力先於座前化作八萬四千衆
寶蓮華也此菩薩非身現身猶如幻夢水月鏡像非
造所造如造所造一切色種種支分足具足莊嚴故
目如廣大青蓮華葉正使和合百千萬月其面貌端

正復過於此身真金色無量功德莊嚴威德熾盛光明照耀諸相具足如那羅延堅固之身也以此地菩薩十方諸佛所有法雲法雨悉能含受故所師之佛名雲雷音王以根根塵塵周遍法界具足法樂普於塵勞隨根示現故萬二千歲以十萬技樂并奉八萬四千七寶鉢而能承事十方諸佛淨佛國土故親近供養多佛也不動本際而作度生事業故現種種身處處爲諸衆生說此經典此正當九地十地以極等覺之象也以此示衆生日用現證之象故與俱來者八萬四千人皆得現一切色身三昧而此娑婆世界

無量菩薩亦得是三昧及陀羅尼也。以用不離體故。
還歸本土圍繞白佛也。狀此神通妙用只在四大根
塵之間身心轉變之力故四萬二千天子皆得無主
法忍此正覺法自性性意生身之象也。以出入三昧
故有往來之相若夫觀音普門示現齊觀並照則無
彼此去來之跡是則觀音妙應乃示種類俱生無作
行意生身之象也。狀此意生身乃從等覺入於妙覺
果海已得諸佛自覺聖智善樂深入妙莊嚴海逆流
而出現十界身無思而應所謂妙相莊嚴聖種類身
一時俱現猶如意生身上自他無障無礙故云種類

俱生無作行意生身此乃入妙覺後大圓鏡智平等顯現故名普門示現神通之力也由觀音大士以如幻聞熏聞修金剛三昧力故生滅既滅寂滅現前忽狀超越世出世間卽得上與十方諸佛同一慈力下與六道衆生共一悲仰故能以一身普應一切故能三十二應四不思議十四無畏十九說法八難二求無不感應此妙行圓滿法華三昧之成功妙極於此矣冥心聖旨可謂理極忘情謂如何有喻齊到頭霜夜月任運落前溪信乎是法甚深與少有能信者惟深造自得者諦信不疑耳由是觀之至此妙行旣圓

因契佛心故感三種加持防非離過使行人外魔無
擾內習無餘方能得一轉依克全妙果故說後三品
以終其會也三種加持者謂神力加持法力加持現
身面言說加持如次三品當三種加持則陀羅尼品
迺神力加持之象也楞伽唯二種加持謂現身面言
說及手灌頂神力以此經由開示悟入故須法力耳
梵語陀羅尼此云總持謂總一切法持無量義乃一
心之異稱而云神咒者乃一切諸佛秘密實相心印
卽如世之大將兵符耳上根利智修行之士能一超
直入奈何無始習氣微細幽潛雖以止觀之方而消

磨之蓋有深固幽遠殊非智力可到者苟非仰仗諸
佛如來秘密心印咒輪而攻擊之倘內習一發則外
魔易侵如此又何能出生死證真常而入寂光淨土
哉是故修行者無有一人不仗秘密神咒收功故也
蓋行有顯密前正觀之力所謂顯行此陀羅尼乃密
行耳首楞嚴云若修行人習氣未除應當一心誦我
悉怛多鉢怛羅秘密神咒此所以法華三昧妙行功
圓世尊憂愍末法復說此陀羅尼品以深防邪誤是
所謂以神力加持也首楞嚴云十方如來因此咒心得
成無上正徧知覺十方如來執此咒心降伏諸魔

制諸外道。十方如來乘此咒心坐寶蓮華應微塵國。
十方如來含此咒心於微塵國轉大法輪。十方如來
持此咒心能於十方摩頂授記。十方如來依此咒心
能於十方拔濟群苦。十方如來隨此咒心能於十方
事善知識四威儀中供養如意恒沙如來會中爲法
王子。十方如來行此咒心能於十方攝受親因令諸
小乘於秘密藏不生驚怖。十方如來誦此咒心成無
上覺坐菩提樹入大涅槃。十方如來傳此咒心於佛
滅後付佛法事究竟住持嚴淨戒律悉得清淨。又云
汝等衆生未盡輪迴發心至誠取阿羅漢不持此咒

而坐道場令其身心遠諸魔事無有是處噫諸佛尚
厭況此末法業垢衆生乎以此神咒迺佛佛心印故
皆云六十二億恒河沙等諸佛所說而說咒藥王爲
初者以此密印爲妙行之首故次卽毘沙門說者以
天王爲護世四王乃生死界之主毘沙門乃北方之
天王也北方之卦爲坎坎者陷也以一陽陷於二陰
之中以示生死險難之象故行人於生死險難之中
而欲頓證菩提非神力加持又何以濟衆難出險道
乎次卽持國天王者持國乃東方之天王東方之卦
曰震震者動也東爲群動之首易曰吉凶悔吝生乎

動也論云動必有苦是則行人於生死動亂之中而作至靜之行苟非神力加持又何以臻寂滅之境哉至若南方之卦爲離離者麗也虛明之象西方之卦爲兌兌者說也若夫虛明悅豫之境則無庸加持故彼二天王不須說耳而此繼之以羅刹女者羅刹乃幽昧之鬼且飛行而食人肉者女則陰邪之至此示無明羅刹業習戕害法身今以止觀研窮化無明而作妙明心光故羅刹女亦以身自擁護受持讀誦修行是經者頓令無明三毒淨盡無餘所謂令得消衆毒藥也以妙契法身潛通法界故香供爲尊一切煩

惱應念化成無上知覺故種種諸燈供養而爲第一
此則六根清淨八識圓明故六萬八千人皆得無生
法忍此皆神力加持之益也神力加持外魔既消苟
非法力內熏又何能淨除內障證二轉依哉故說妙
莊嚴王本事品以示法力加持之象也楞伽經云若
不以神力建立者則墮外道惡見妄想及諸聲聞衆
魔希望不得無上菩提是故初地至七地有相觀多
若不加者則墮外道惡見其八地已上無相觀多若
不加者則墮聲聞二乘之地九地十地等覺不加不
能入妙由是觀之則前神咒加持迺從初地至七地

之象也故但言遠諸魔事今此品者迺九地已上入妙之象故言二子轉父邪心而同出家乃本覺出纏之象也何以明之妙莊嚴王者乃如來藏在纏之象也今顯發本真故曰本事以如來藏本是妙嚴果體故今迷之而爲阿賴耶識名八識心王由此而有前六七轉識造種種業受種種苦若轉六識而爲妙觀察智則藏識無染汚可受故名淨藏若轉七識而爲平等性智則分別之見卽消見分亦泯卽得法眼清明故名淨眼此轉染冷淨之象也轉此二識全仗止觀之力故淨德夫人者止觀之象也以夫人坤德也

柔順之至多內助之力又始覺之象也以止觀內資隨順覺性淨治無明名曰淨德故所生二子能轉父王之邪心耳蓋以此止觀之力乃法身菩薩得無分別心與諸佛智用相應唯依法力自狀修行熏習真如滅無明故所師之佛名雲雷音宿王華智其國名淨光莊嚴也以無依智淨自心體故二子涌身虛空現諸神變轉父邪心也以六七因中轉故二子先請出家而藏識中種子習氣蒙止觀熏習之力皆轉染令淨故王後宮八萬四千眷屬皆堪任持妙法華經也狀如來藏所以不出生死苦趣者皆由六識所

造業力牽纏故也。今六識既轉，則八識之生死因絕。以本來無染，故淨藏菩薩已於無量百千萬億劫通達離諸惡三昧也。所謂無作無造無受者，以本無性故。以始覺有功，本覺乃顯。故其王得諸佛集三昧，能知諸佛秘密之藏。以六七既轉而五八一時俱轉，則四大根塵無不轉者。故與王及群臣，并四萬二千人，一時共詣佛所也。由轉染令淨，解脫纏縛，故解頸瓔珞，以散佛上也。以妙契法身常樂我淨涅槃妙德，故於虛空中化成四種寶臺，臺中有大寶牀，敷百千萬天衣，其上有佛結跏趺坐也。蓋虛空恒一真常德也。

天衣適體真樂德也。有佛趺坐真我德也。放大光明
真淨德也。四德之象眉狀可見。至此止觀功圓。同時
出纏。故王與夫人二子眷屬一齊出家。此蓋借法力
熏習真如。乃緣因佛性耳。故云二子以神通變化轉
我邪心。令得安住於佛法中。得見如來。此二子是我
善知識。爲欲發起宿世善根。饒益我故來生我家。此
其善知識。是大因緣。所以化導令得見佛。此皆顯示
資緣。因熏習之力也。圓覺經云。譬如銷金礦。金非銷
故有。雖復本來金終以銷成就。一成真金體。不復重
爲礦。故云我從今日不復自隨心行。不生邪見。憍慢。

瞋恚諸惡之心也。一切塵勞應念清淨故爾時八萬
四千人遠塵離垢於諸法中得法眼淨狀非法力內
熏又何以臻此哉故此品爲法力加持之象也明矣
今行人旣仗神力加持令外魔無撓資法力加持令
內障不生內外清淨身心解脫妙行功圓則所證真
如與法界等是皆借果德以爲因心之力也因心旣
圓果德亦滿故說普賢勸發品以終其會焉

普賢勸發品乃現身而言說加持以顯入佛知見之
象也以稱法界心修普賢行初發心時卽仗此爲真
因故終得妙契常果狀普賢有二一謂道前普賢乃

等覺位謂行彌法界曰普隣極亞聖曰賢此因位也
二道後普賢謂稱真法界曰普彌綸萬化曰賢此入
妙覺果海不住涅槃逆流而出雖居果位不捨因門
遁今之普賢也以初發心時卽悟此體依此起行行
起解絕故曰勸發狀此普賢以法界爲身遍在一切
衆生動亂妄想塵勞之中與一切人天神鬼諸魔眷
屬而爲勞役故從東方而來與無量大衆各現神通
之力到此娑婆世界釋迦牟尼佛所也以法身真際
乃離心識處故云在寶威德上王佛國此離言之道
今以法力熏習而由言說通達故曰逢聞此娑婆世

界說法華經與諸大眾而來聽受所謂雖復不依言語道亦復不著無言說故云唯願世尊當爲說之也。狀而普賢如此請問世尊更無一言加答者正顯無言之道不容聲矣此正忘言絕證之象也故普賢卽問於如來滅後云何能得是經向來一徃諸大菩薩但問讀誦受持而已狀未聞有言得之者今普賢卽云得是經者足知由前解行於此證入所謂此品顯入佛之知見明矣狀世尊所答得處不多亦不在多劫修行唯在成就四法於如來滅後當得是經如此而已四法者一諸佛護念二植衆德本三入正定聚

四發救一切衆生之心如是成就四法於如來滅後必得是經且旣曰當得而又曰必得是真實決定不易之辭也狀此四法者果何意哉而成就之速如此耶起信論云分別發趣道相者謂一切諸佛所證之道一切菩薩發心趣向義故略云發心有三種一者信心成就發心二者解行發心三者證發心由前云汝等若能信受是語一切皆當得成佛道又云汝舍利弗尚於此經以信得入狀而此經諸佛知見甚深秘藏非心所測唯許以信得入由是觀之此四法者乃信心成就發心者也華嚴云知一切法卽心自性

成就慧身不由他悟卽得菩提此信心成就之謂也論曰信成就發心者發何等心略說有三種一者直心正念真如法故此所謂爲諸佛護念也二者深心樂集一切諸善行故此所謂植衆德本也三者大悲心欲拔一切衆生苦故此所謂發救一切衆生之心也又云如是信心成就得發心者入正定聚畢竟不退名住如來種中正因相應此所謂入正定聚也旣許以信得入是則以文殊大智止觀之力照自心源諦信唯心無外境界以此研窮是謂妙行以此妙行契乎妙智智行妙圓所謂正因相應其必得是經也

宜矣是則前開解行不出信心信極道圓人平妙覺
正所謂啟明東廟智滿不異於初心此妙符華嚴始
終無二故此普賢所勸發者唯此信心故言得經之
道而如來示之以此四法而已又云是菩薩功德成
滿於色究竟處示現一切世間最高大身謂以一念
相應慧無明頓盡名一切種智自狀而有不思議業
能現十方利益衆生故如來滅後有能持是經者我
當守護與大菩薩衆而自現身供養安慰其心其人
若有忘失一句一偈我當教之還令通利也論云如
菩薩地盡滿足方便一念相應覺心初起心無初相

以遠離微細念故得見心性故云得見我身又云菩薩從初發意乃至菩薩究竟地心所見者名爲報身此所謂以一切衆生所喜見身現其人前而爲說法斯正現身而言說加持也又云若有衆生能觀無念者則爲向佛智矣故云以見我故卽得三昧及陀羅尼名爲旋陀羅尼百千萬億旋陀羅尼法音方便陀羅尼此究竟之寶證也梵語陀羅尼此云總持謂總一切法持無量義乃一心真如之異稱也論云心真如者卽是一法界大總相法門體所謂心性不生不滅一切諸法唯依妄念而有差別若離心念則無一

切境界之相是故一切法從本已來離言說相離名字相離心緣相畢竟平等無有變異不可破壞唯是一心故名真如此所謂旋陀羅尼也又云一切言說假名無實但隨妄念不可得故此所謂百千萬億旋陀羅尼也又云言真如者亦無有相謂言說之極因言遣言此真如體無有可遣以一切法皆同真故以一切法皆同如故當知一切法不可說不可念故名真如此所謂法音方便陀羅尼也旋者楞嚴觀音耳根圓通云旋倒聞機返聞自性旋渦也水之急流最深而有洞旋謂之漩渦以當急流而力能迴流漩渦

淵源也。謂念念生滅急流中而能念念隨順真如不
隨妄念流轉故如水之漩渦也。論云：若知一切法雖
說無有能說可說，雖念亦無能念可念。是名隨順。若
離於念，名爲得入。狀無念者正念也。故終誠以應當
一心受持讀誦正憶念。如說修行正憶念者萬行之
本、信心之至也。故若有受持讀誦正憶念解其義趣
如說修行當知是人行普賢行也。以一乘實相佛之
知見備殫乎此法身慧命不外乎是。故普賢願以神
通力守護是經於如來滅後闍浮提內廣令流布使
不斷絕而如來卽許之曰：若有持受讀誦正憶念修

習書寫是法華經者當知是人則見釋迦牟尼佛如從佛口聞此經典以極種種讚歎迺至不久當得菩提其効之速既如此若有不信輕毀之者其所得惡報之重又如彼是終許其以信得入也所謂信爲道元功德母長養一切諸善法惟此甚深秘藏無上法門唯許以信得入正謂發心畢竟二無別如是二心先心難故此經以文殊爲唱導之首普賢爲勸發之終此如來說法始終一貫之極致也

萬曆乙未春予以弘法罹難被逮圜中達觀禪師在匡廬聞報驚歎乃願誦妙法蓮華經百部以求

諸佛神力攝受之也頃予蒙恩宥遣之雷陽是歲冬道經白下達師遲予於江上相晤于旅泊菴中夜談及此且曰願以我之心用公之舌可乎予笑而唯唯及丙申春抵戍所正值鐘劫居不遑處且卽從事楞伽而又奔走行間未暇了此公案狀在白毫光中不離無量義處三昧也戊戌夏日菩提樹下弟子來從遊者十餘輩相與結夏於穹廬同誦此經幾二百部予時爲舉揚此事以開示之休夏自恣日弟子性澄請益其綱宗予因提絜吾佛言外之旨以示之且將以報達師知予所轉妙

法華經如是而已。老盧云：心迷法華轉，心悟轉法華。狀不涉唇腔一句，正不在紙墨文字間也。時會聽者，各各歡喜信受奉行，梓之以廣法施。普願見聞隨喜者，同得現一切色身三昧。云萬曆戊戌除日，憨山道人德清書於楞伽室。

憨山老人夢遊集卷二十六 終

憨山老人夢遊集卷二十七

侍者福善曰錄

門人通炯編輯

嶺南弟子劉起相重較

楞嚴通議補邊

晉楞嚴一經統收一代時教迷悟修證因果徑斷生死根本發業潤生二種無明名結生相續頓破八識三分故設三種妙觀攝歸晉楞嚴大定是爲最上一乘圓頓法門直攝一真法界如來藏性偶爲妙圓真心據此大定列爲三觀者曰如來藏有三種義謂空如來藏不空如來藏空不空如來藏由此藏性迷爲阿賴耶識變起見相一分藏性在

識名自證分、由本性不染、名白淨識爲證、自證分按論、真如生滅二門、此證自證分、卽是真如、其自證分、卽述中本覺見分、卽毒七轉識相分、卽虛空四大、杜外爲世界、山河大地及五塵境、杜內爲根身爲育執受五蘊之色受、二蘊見、卽七識意根及六意識、及毒五識、與同時分別意識、今修楞嚴大定、端杜直破八識、但此識體久迷、由相見二分、結爲五蘊根身、及外世界五塵、爲分別俱生麤細我法二執、㠭執五蘊根身爲我執、貪外五塵爲我所受用、及計育所作爲法執、由此二執纏綿生欵故。

今願出生死先破二執爲最初方便也故阿難特請妙奢摩他三摩禪那爲成佛之要佛特許以三摩提名大佛頂首楞嚴王此乃歷別而請佛據一心圓融大定而說也是知此經始終不出三觀究竟不離一心耳其經文雖未明言指歸其於破繫之文皎然明白第流通者未之究耳三觀者經妙奢摩他卽當空觀三摩卽假觀禪那卽中道觀也皆云妙者意顯圓融三觀妙契一心舉一卽三言三卽一離卽離非迥出息議之表也今議此經通呂體相用標顯者意在先悟後修故首標觀體欲

令先悟藏性三諦理體依之建立觀相所謂先悟
毘盧浹界也次示觀相者意謂無相真心今全迷
爲識結成五蘊根身器界肴相之浹要在卽相而
修故修道文中單指五蘊六根次及三科七大一
一皆是悟入之門也證果分中呂觀用標者正繫
所修三觀肴能斷能證之功用也故愚所謂始終
不出三觀者此也

問曰三觀呂體相用分之者何也 爾曰名雖三
觀爲約如來藏三諦之理須呂三觀證之其實總
是一心故佛呂晉楞嚴大定許之意謂三觀不離

一心也按起信論云、脊法能起摩訶衍信根、所言
法者、謂衆生心是心總攝一切世間出世間法、故
不名心而名法、狀脊法必有義、曰體相用三爲一
心之義、所謂三大是也、曰此真心、其體廣大、故言
體大、曰此本來無相、今現十法界、依正因果事相
皆是脊相之法、故相亦大以逃此心而成六凡、悟
此心而成四聖、皆一心轉變之妙用也、故用亦大
謂令先悟此心之體、佛謂開示此體以便造修、故
肯明觀體也、既悟此體、了知根身器界一切妄相
皆依一心建立、今將所悟之體、二焰破妄相本

是妙明真心故修但依妄相而修故云觀相正當修道之要也其五十五位皆依觀心建立要顯此三觀者能斷惑證真之大用故爲三觀之用也以論勘經明文昭著妙契佛心故予判列无疑以見如來說法之本意且與行人易入也

問曰三觀體中攝經三卷半文且空觀一科卽該三卷經文至若三科七大本如來藏旣顯空理其初㠯教心辨見發揮以至二種妄見種種徵辨者主何意耶僫曰此經統收五教卽此一空觀體備該五教空理徹一代之談文簡義幽殊難領會

故予通議備列破顯提綱使知節要至于破妄顯
真經文止胥卷半其義已收四十季前所說教義
非淺淺也。㠯吾佛出世說法四十九季談經三百
餘會單爲破衆生我法二執耳二執若破卽證涅
槃涅槃者卽如來藏宗滅一心也。㠯衆生迷此如
來藏心不生不滅與生滅和合成阿賴耶識此識
具脊四分謂一證自證分卽一心真如二自證分
卽迷中本覺當論中覺不覺義三見分卽前七轉
識四相分卽外器界經中地水火風虛空乃外五
大爲世界內之根身卽五蘊衆生㠯衆生旣迷此

真心但認五蘊幻妄身爲已身心妄執爲我名分別我執外世界五塵爲我所受用名分別法執此分別二執皆六識所計以七識乃六識之根依內外門轉其實二識通計也又胥俱生我法二執此單屬七識計八識見分爲自內名我執修行妄胥證得爲法執此二微細名俱生二執若二種二執破盡乃可證入一心之原是名爲佛阿難旣述真心正爲二障所纏必須破盡乃是真菩提路故此三觀乃破麤細二執之具也其經文徵心辨見乃通破麤細二種我執二種妄見及後破和合乃通

破麤細二種法執。曰此楞嚴大定乃圓斷五住煩惱齊了二種生歟不比諸經胥先後也。曰統收五教頓證一心故不論先後耳。

問曰諸教別說先斷分別二執次斷俱生二執此言總斷者何耶。答曰七識乃我法二執之根依內外門轉若依外門與六識作根則胥分別二執若依內門則執八識見分爲我此乃俱生我執此執至七地中乃斷八地已上猶胥俱生法執者以七識具染淨二分義故七地斷者乃染分末那向執八識見分爲我者今此染分一斷則捨藏識名

而此八識卽轉證真如名白淨識尚有淨分末那
執此真如謂我所證得是爲敍細汰執卽後經云
菩提心生生滅心滅猶屬生滅名執真如者所證
得能所未忘觀智未泯尚爲敍細汰執此執若斷
方入妙覺證一心原此義全合起信勘定甚明故
云頓斷頓證

問曰此經破執之文向所未明從來傳者但云敍
心辨見而已至乎二種見妄亦不知爲何而說也
今通議雖名列破顯之科正當破執之義先後次
第猶所未明請細言之答曰所言精麤一執義

關真妄二途總不出八識五蘊耳。一代時教所破者唯此而已。㠭逃一心成阿賴耶識。此識具齊四分、其莽三分、卽五蘊身心世界。其證自證分、卽所證真如今麤細二執、唯破四分。唯識攝歸一心爲極耳。故勘定經文、按此而破先破五蘊屬分別我執、其破識蘊而俱生我執卽兼帶其中。其二種見妄、乃破分別法執。此凡夫二乘之所共執者、故破二妄之邊卽顯本覺真心。㠭此故知俱生我執已帶破在莽矣。至次章云汝雖先悟本覺明心、汝猶未明如是覺元非和合生非不和合等此正破俱

生汰執卽此經送云菩提心生生滅心滅猶屬生滅故此執一破則頓歸藏性矣故下文發明一一皆如來藏者意顯弄破所顯者乃但空耳下會三科七大之文乃懸妙脊實相真空義耳此實破妄之關鍵也細心深思乃見其妙

問曰破執經文科雖分截但通途次第尚未了狀請詳言之答曰分別三執卽一切衆生所執五蘊身心世界此屬八識相見二分是也其俱生我執乃八識自證分向被七識內執爲我我者經中見精卽自證體乃迷中本覺佛性故經中二妄既

破卽緣此本覺真心此屬緣因佛性從斷所顯者
未是離障真如也。卽淨分未那猶執此覺爲我所
證得此正敍細汰執所謂汰執不忘已見猶存等
巖八地菩薩迷妄真如理中必待三橋七勸方能
捨者。卽異熟未空緣最難斷也。卽從八地進入等
覺勘此經文二妄之邊佛言汝雖先悟本覺明心
汝猶未明如是覺元非和合生及不和合意在破
和合覺謂始覺合乎本覺名究竟覺猶屬和合對
待故此和合一破卽顯如來藏性頓塞一心之原
矣。是知八地已上乃破俱生汰執耳論說佛脊淨

分末那義在此也其破分別二執之文從初請定
直至破見精遂通破五蘊身心而俱生我執亦枉
所破二妄之文單破分別汰執其旨甚明

問曰初破五蘊而如來乃首約致心而科云乃破
色受二蘊意猶未明請直示之會曰八識相見
二分相乃四大見乃轉識呂最初見分搏取四大
少分爲我根身論中所指乃受執處遂成五蘊之
衆生故經云一迷爲心凌定惑爲色身之內者此
也呂色受二蘊正呈執受所依之處名雖致心意
顯此根身本空非可依處欲修大定先須內脫身

心故先破色受二蘊色身既破則无所執受則妄
心無依故後進破六識爲想蘊耳

問曰徵心之邊阿難重請奢摩他路如來放光復
詰其心科爲破六識想蘊者何也 父曰初徵心
爲破色受二蘊正破小乘身見意顯欲修大定必
須內脫根身也 吕凡夫但認妄想爲心外道依此
妄計小乘但斷六識上二界天人但滅六識故佛
最初卽云一切衆生皆由執此生汝妄想誤爲真
實雖云修行不成聖果故修大定必首破之 吕此
妄想一向執此根身爲所依處舉此執心在此身

內被佛教詰故。脊七處屢轉之軌。今皆被破已顯
四大本空。則色受二蘊已空矣。唯此妄想乃生。故
之本。故次破之意顯。此想非空觀不破。故阿難童
請開示奢摩他路也。未破之先。佛放光明者。意以
此光爲定體也。了此光明則妄想頓破。不待言矣。
良由衆生昧此光明。但用妄想種種顛倒。故先標
二種顛倒。㠯爲所破之本意。謂顛倒不生。卽是如
來真三摩地。故下所破者二顛倒耳。仍詰其心者。
正顛倒之心耳。㠯顛倒心起顛倒見。故舉拳雙驗
心目所枉。阿難但孰能推妄想爲心。故佛咄斥其

非心結云皆由執此生死妄想等此正破六識當
想蘊也下文隨破顛倒之見故阿難重請發明妙
心開我道眼意在破妄見耳

問曰破見之文不知歸著請詳示之 答曰見乃
八識見分爲前七轉識七識爲六識意根故七隨
內外門轉外轉在六識爲分別見內轉執八識爲
我爲推度見但有麤細不同耳先破凡夫常見二
乘無常見外道斷見皆破分別見也屬第一顛倒
猶保六識故此後文乃屬七識行蘊破推度見屬
第二顛倒然分別見乃分別我執推度見卽俱生

我執直至破識精。俱生我執方盡破耳。彼二種見
妄乃破分別法執。二妄之後破和合章乃破俱生
法執也。呂證真如但能所未泯有所證得爲微細
法執科名拂迹入玄者意杜泯觀心絕對待者狀
此二執一破則頓歸一心故下文三科七大一一
皆本如來藏也

問曰破見之文科連六七二識侶乎纏繞學者難
分卒指示之答曰人識三分各識皆具呂見分
爲前七轉識故論云能現能見能取境界是呂六
七二識皆齊見也前凡夫二乘外道之見枉六識

者正能取境界者也。謂分別見論爲疎所緣緣。其七識約八還呂辨者。正指能見謂推度見的指對相分而言者也。其破見量乃約能現。蓋能現相分而起見者。故猶屬七識。此量一破。方泯二分而歸見精耳。佛意甚淺微細。非散密觀焰不了。此呂在破妄門頭。故應委曲搜揚耳。殊非纏繞之說也。

問曰。破見文中先約八還呂辨。科云揀緣。後顯見精亦科云揀緣。經義不同。而科同者何耶。答曰。其科揀緣雖同。而義亦攸別。前揀緣者。乃見分雜于緣塵之中。一向能所不分。故揀七緣乃所緣塵。

境其分別緣故特分能所各資所還而見性不無
意指諸可還者皆非是見其不還者乃見性耳此
但且分能所尚未的指見性爲見精也其次顯見
精而揀緣者乃單揀相分乃八識所現之緣影不
言見分意謂種種物像皆八識體中所現如鏡中
景景鏡不分故揀去親相分之緣而見分自泯識
體猶存故爲見之精者卽識精圓明者也此在通
泯相見二分獨指識體爲見精耳此意幽深非麤
心可領須細觀之

問曰其見量俗屬八識現量故此一破卽云身心

圓明不動道場于一毛端則能含受十方國土已至極則何以又有後文約八識破我等耶。舍曰見量雖似八識現量。吾能現見相二分者。識論說爲親所緣緣。若見相未泯。對待未忘。故應在七識耳。其顯真之文。身心圓明。正約破染汚无知。則不執取身心。故云圓明。一毛含受十方國土。正顯離量。故無障礙。此乃分見真理。其實未是極則也。議疏甚明。宜細詳之。

問曰。佛指見精爲第二月。且云雖非妙淨明心。如第二月。何㠯見精方顯。八識未破而經卽云若能

轉物卽同如來于一毛端卽能含受十方國土斯則顯理已徹何㠯八識未破而能如此耶。舍曰此非淺智可知也。只如初地菩薩纔破分別二執而藏識全在卽能見百佛世界此後地地增進所見漸漸廣大豈非一毛含受十方國土耶。且此識體本是真如但爲見相二分障礙今二分旣泯識精圓明十方國土皎然清淨毛含十方更復何疑。問曰若能轉物之轉與轉識成智之轉爲同爲異。舍曰轉雖同而所㠯轉則大不同也。轉識成智之轉乃八識各有所轉次第无後單約識說此經。

轉物之轉不說轉識但約轉物以物轉則見分亦
泯見分一泯前七識一齊頓轉元無先後次第也
㠭見乃八識了別之行相前七轉識依此見而立
故見泯而七識齊轉也所以狀者相宗以識爲本
此經會相歸性特顯唯心境界以一心真源爲本
㠭迷一心真如而爲阿賴耶識故有見相二分由
相分旣立則見分取相分而爲衆生所謂自心取
自心非幻成幻法今見分旣泯則離執取故法法
本真一一本如來藏不待轉而自轉矣所謂不用
求真唯須息見見分一泯則相分自轉爲一心真

如故卽同如來也所謂不取无非幻非幻尚不生
幻法云何立此意幽潛微密觀焰乃能知之

問曰已知破見之意矣其破八識之文初云破我
則令卽物以推之又令文殊約是非卽揀之其破
自證則約自狀因緣卽破之其破識精又約明暗
色空卽揀之且皆科云卽顯一真豈非重複耶

答曰非重複也卽如來說教特爲破衆生之妄執
前云種種顛倒則衆生之妄計非一端也其教不
比禪宗一悟便了教中必欲委曲搜揚其妄中自
有種種妄計故須一一說破耳其破我者卽此八

識二乘執爲涅槃我其未悟時又計蘊卽離我外
道計爲神我衆生通計爲生死我故令欲破此識
故先破其我見也此正俱生我執耳狀卽物卽令
推其是非者卽此識體全變爲根身器界之妄相
本无二法故令卽物卽推其是非要顯本爲一真
故令文殊發揚卽絕是非之見以悟一真之理耳
其破自証乃卽因緣自狀破之者卽外道不知此
識乃妄計諸法自狀而生謂之自生無因生又計
諸法因緣和合而生謂之共生他生皆不知八識
之自體本是妙覺明心也故約自狀因緣卽破之

此計一破則精覺自顯其破見精正是前所立二
顛倒中識精元明能生諸緣緣所遺者故追破諸
妄至此乃破又約明暗色空者正顯此識精能生
諸緣緣所遺者故揀緣已破要離緣以顯真心斯
實破識之極則也且節節皆科云顯真者皆就破
彼妄計則顯其真乃分顯耳非全體也佛言阿陀
那識甚微細故非麤心可易會也宜深觀之

問曰破見精文中又約前塵明暗色空已破且曰
說我能見及科顯始覺文中又復揀緣是則此與
前破見分揀緣何別答曰此文侶同而義迥別

深所難明請細陳之前破見分對揀緣者乃見分執取所緣之境一向混而不分故今將破見分必先揀去妄緣妄緣既離則見無所執此見不泯而自泯矣。呂相與爲有相與爲無也二分既泯則見精獨存故的破之曰見見之時見非是見見猶離見見不能及而科云的示始覺者以此見精乃是根本無明言真見見此見精之時真見不是見精意謂真智焰此無明之時無明不是真智且此無明乃真智所變切近於真而智尚離之故云見猶離見豈彼執取之妄見而可及乎故云見不能及

此智起惑亡故科云的示始覺狀破見精而猶揀
緣者乃揀見精離緣也前云識精元明能生諸緣
故今離緣方顯見精此緣乃八識親相分爲親所
緣緣前見分所揀之緣乃疎所緣緣前乃變帶此
乃挾帶了此相宗則此中理趣了狀矣

問曰見精既破始覺之智已顯五蘊八識俱破諸
妄已離而阿難何㠯又于因緣自狀和合之計心
猶未開而于見見重增迷悶以此重請向下世尊
徑說二種見妄不依所問而答而科云㠯破法執
此義深潛實所難會請詳示之答曰此中密意

從來所未曉也。呂教說五蘊，有假名，有實法。尋來一述所破五蘊身心，但說破執蘊之執情，其所破者乃假名耳。而此五蘊實法尚存，故仍懷因緣，自狀和合之疑心，猶未開。至亏見見非見，重增迷悶者。呂見精乃八識自體，爲根本無明，故云陀那散細識智氣成瀑流，真非真恐迷。我常不開演此世尊一向不輕談者，故立槩一向逃亏此也。今云見見非見謂真見見，此見精乃真智焰，此無明也。此豈二乘可知也？且如明來暗去，智起惑入，真妄不容兩立。經云：此無明者，非實者體。豈有實實無明。

呂當其智哉阿難意謂實者箇見精與真見可見
今覓見精而不可得故逃悶耳況此極則殊非二
乘境界安得不懷疑漠漠乎向下世尊含辭不循
所疑直說二種見妄者呂知阿難未了根本無明
故五蘊實法未消五蘊既存則世界山河大地礙
眼此正法執未入已見猶存耳若單就無明則只
用世尊說此無明者非實者體一語可了今意在
破身心世界之法執故設燈上毛輪呂喻五蘊是
假益由眼中肴眚所見今不必責毛輪是有是無
但只知是眼眚則無見病意喻但觀五蘊身心是

假乃因無明妄見而有。若了無明本空則身心自
泯。所㠯驗中但言知是眚者。則無見咎。卽此一語。
的破見見之疑矣。若了身心本空。則可例觀世界。
亦侶身心同是妄業之感耳。又何有因緣自狀見
見之疑哉。此所以胥進迺合明之說也。所以二妄
一破。則本覺真心頓槩故經結云。若能遠離諸和
合緣及不和合。則復滅除諸生歟。因清淨本心本
覺常住科云。本覺離緣真如出纏。豈漫狀哉。佛意
甚明。第觀者智暗。不易了耳。

問曰。後章經文從來說者。都云重破和合。而此科

云拂迹入玄況經中猶舉見精言之此則大畜徑
庭請示其要、僧行曰議中甚明此正始覺者功本
覺乃顯論云始覺合乎本覺名究竟覺今將懸一
心真原絕諸對待直須觀智俱泯能所兩忘故至
此乃破和合之覺此正教細俱生滅執名生相無
明論云此無明者唯佛能了非他境界故佛無問
而自說也但觀經云汝雖先悟本覺妙明則許尙
已悟矣次云汝猶未明如是覺元非和合等義極
顯了下云猶若世間妄想而自疑惑塞菩提心此
乃的破名言習氣故云若世間妄想而疑菩提所

謂以生滅心而辨圓覺而圓覺性亦同流轉故須
泯此知見乃入一心真原曰真心真智難以捨口
特俗見精旨例破耳既破和合而阿難又作不和
合見故復疑曰如我思惟此妙覺元與諸緣塵及
心念慮非和合耶觀此直須心境兩忘言思路絕
乃入一心之妙耳

問曰旃舎五蘊中首舉色蘊依妄見而胥故說目
因勞而妄見空等今說六入復拈薪兼目與勞共
爲眼入意旨何如答舍曰此最極微細非薪喻可
比也以此中乃說最初六根之元因見分取相吸

習中歸和合結成五淨色根爲浮塵所依本來無入今始胥也兼目卽今眼根爲相分勞卽見分已此二分本無所胥同是菩提發勞相意顯識體依覺故迷故云菩提發勞二分依識而舉爲識之行相不離自塞元无二體故云同是故約已成六根自體爲喻益言本無六根因最初見相和合而成淨色故雙舉之已明六根初結之始故難領會耳

問曰處者何義會曰處者唯識說胥體實相分色爲見分所慮託處不拘親疎爲所緣緣已皆胥

謂以生滅心而辨圓覺而圓覺性亦同流轉故須
泯此知見乃入一心真原呂真心真智難以捺口
特脩見精呂例破耳既破和合而阿難又作不和
合見故復疑曰如我息惟此妙覺元與諸緣塵及
心念慮非和合耶觀此直須心境兩忘言息路絕
乃入一心之妙耳

問曰旃會五蘊中首舉色蘊依妄見而胥故說目
因勞而妄見空響今說六入復拈薪兼目與勞共
爲眼入意旨何如旃會曰此最極微細非薪喻可
比也以此中乃說最初六根之元因見分取相吸

習中歸和合結成五淨色根爲浮塵所依本來無入今始胥也兼目卽今眼根爲相分勞卽見分㠭此二分本無所胥同是菩提瞪發勞相意顯識體依覺故迷故云菩提發勞二分依識而緣爲識之行相不離自塞元无二體故云同是故約已成六根自體爲喻益言本無六根因最初見相和合而成淨色故雙舉之㠭明六根初結之始故難領會耳

問曰處者何義 爾曰處者唯識說胥體實相分色爲見分所慮託處不拘親疎爲所緣緣㠭皆胥

對待俱胥所依今言二皆无體唯一真如故本如來藏矣

問曰起信三細謂業轉現如是次第今經三細㠯見爲轉相列於第三是則先現後轉豈失論意耶
答曰不失論意各胥所主也論意單說心法生起謂真淨界中始因一念妄動卽轉圓明真心而爲無明由此無明乃現分別相續等相若能離念卽塞一心今經重在衆生生起之元故因最初一念妄動卽轉無相真心頓成胥相之妄相故虛空四大自此而形是爲胥所胥相因胥所相卽轉本

胥智光而成妄見爲取相之妄知由是見相同一
元明覺體今溷雜而不分遂成胥情所謂色心和
合而爲五蘊之衆生其意重在妄見執取而爲生
歟病根所謂數取趣也故云自心取自心非幻成
幻法不取無非幻故祖師云不用求真唯須息見
論獨轉心故真修端在離念此經轉境故云若能
轉物卽同如來故真修端在不取卽斷生歟根本
故破妄直專揀緣經重所取故先相論重能取故
先見故爲門不同而修斷亦別也定淡觀之

憨山老人夢遊集卷二十七

終